



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj:01-11-4-5820-4

Dana: 16.12.2020. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, 26/19, 31/19 i 39/20) i čl. 14. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) i preporuke Komisije za javne nabavke Ministarstva unutrašnjih poslova Kantona Sarajevo za 2020. godinu, imenovane Rješenjem broj 05-1-11-4-1158 od 28.02.2020. godine u postupku nabavke, isporuke i ugradnje plamenika za kotlovnicu u objektu PS Centar, ministar unutrašnjih poslova Kantona Sarajevo, **d o n o s i**

ODLUKU

o izboru ponuđača za nabavku, isporuku i ugradnju plamenika za kotlovnicu u objektu PS Centar

I

Na osnovu Odluke broj 01-11-4-5820 od 23.11.2020. godine i Obavještenja o nabavci broj 1364-7-1-82-3-69/20 od 01.12.2020. godine, proveden je konkurentski zahtjev za dostavu ponuda u postupku nabavke, isporuke i ugradnje plamenika za kotlovnicu u objektu PS Centar, uz primjenu e-aukcije.

Od strane Komisije za javne nabavke je, shodno Zakonu o javnim nabavkama BiH, primjenjujući kriterij "najniža cijena", data preporuka da se donese Odluka o dodjeli ugovora Grizelj-group d.o.o. Sarajevo u iznosu od 16.130,00 KM bez PDV-a (šesnaesthiljadastotinutrideset i 00/100 KM).

II

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

III

Ova odluka stupa na snagu danom donošenja.



Obrazloženje

Na osnovu Odluke broj 01-11-4-5820 od 23.11.2020. godine i Obavještenja o nabavci broj 1364-7-1-82-3-69/20 od 01.12.2020. godine, proveden je konkurentski zahtjev za dostavu ponuda u postupku nabavke isporuke i ugradnje plamenika za kotlovnicu u objektu PS Centar, uz primjenu e-aukcije.

Javno otvaranje ponuda izvršeno je dana 11.12.2020. godine, sa početkom u 12:30 sati. Izvršena je kontrola načina uvezivanja ponuda, odnosno primjena propisane forme dostavljenih dokumenata i validnost ponuda, o čemu je sačinjen Zapisnik o otvaranju ponuda i dostavljen ponuđačima u zakonskom roku. Komisija je utvrdila da u postupku nabavke, od strane ponuđača, nije postavljeno niti jedno pitanje.

Tendersku dokumentaciju preuzelo je 9 ponuđača, a prispjele su dvije ponude, i to:

1. Grizelj-group d.o.o. Sarajevo u iznosu od 16.400,00 KM bez PDV-a i
2. Elkomont d.o.o. Sarajevo u iznosu od 16.153,00 KM bez PDV-a.

Konstatovano je da su prispjele ponude blagovremene odnosno dostavljene su u roku predviđenom u Obavještenju o nabavci.

Komisija je izvršila provjeru kvalifikacije ponuđača, u skladu sa minimalnim zahtjevanim uslovima koje ponuđači treba da ispunjavaju, primjenu propisane forme dostavljenih dokumenata, validnost ponude, njen potpis i ovjeru, računsku kontrolu te je izvršen pregled i provjera drugih dokumenata i konstatovano je da su obje ponude formalno-pravno ispravne te da su se stekli uslovi za zakazivanje e-aukcije.

E-aukcija je održana dana 14.12.2020. godine u 10:00 sati.

Prema Izvještaju o toku i završetku e-aukcije na dan 14.12.2020. godine ostvarene su sljedeće konačne vrijednosti ponuda, i to kako slijedi:

Rang 1 - Grizelj-group d.o.o. Sarajevo u iznosu od 16.130,00 KM bez PDV-a i

Rang 2 - Elkomont d.o.o. Sarajevo u iznosu od 16.153,00 KM bez PDV-a,

Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 70. Zakona o javnim nabavkama BiH („Službeni glasnik BiH“ broj 39/14), Komisija jednoglasno daje preporuku ministru MUP-a KS da donese odluku o dodjeli ugovora za nabavku, isporuku i ugradnju plamenika za kotlovnicu u objektu PS Centar ponuđaču Grizelj-group d.o.o. Sarajevo u iznosu od 16.130,00 KM bez PDV-a.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od pet dana od dana prijema Obavijesti, a u skladu sa čl. 99. i 101. Zakona o javnim nabavkama BiH.

DOSTAVITI:

1. Ponuđačima x2;
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.



Smir Jusko



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

